



কেন্দ্রীয় মন্ত্রিসভা

জল সম্পদের ক্ষেত্রে সহযোগিতার জন্য ভারত ও মরক্কোর মধ্যে মউ এর অনুমোদন কেন্দ্রীয় মন্ত্রিসভায় জলসম্পদের ক্ষেত্রে সহযোগিতার জন্য ভারত ও মরক্কোর মধ্যে সমঝোতা স্মারক

Posted On: 13 OCT 2017 11:49AM by PIB Kolkata

প্রধানমন্ত্রী শ্রী নরেন্দ্র মোদির পৌরহিত্যে কেন্দ্রীয় মন্ত্রিসভা বুধবার জলসম্পদের ক্ষেত্রে সহযোগিতার জন্য ভারত ও মরক্কোর মধ্যে সমঝোতা স্মারক (মউ) স্বাক্ষরের অনুমোদন দিল।

এই মউ উভয় পক্ষের অভিজ্ঞতা ও সংশ্লিষ্ট আইনের কাঠামোর মধ্যে থেকে জল সম্পদের উন্নয়ন ও পরিচালনার ক্ষেত্রে সহযোগিতাকে বৃদ্ধির করার লক্ষ্যে করা হয়েছে। এই মউ-এর অধীনস্থ দ্বিপাক্ষিক সহযোগিতার মধ্যে রয়েছে:

১. হাইড্রলিক পরিকাঠামোগুলির, বিশেষ করে বড় বাঁধ ও জল স্থানান্তর প্রকল্পগুলোর ধারণা, বাস্তবায়ন ও রক্ষণাবেক্ষণ।

২. সুসংহত জল সম্পদ পরিচালনা অর্থাৎ ভূপৃষ্ঠ ও ভূগর্ভস্থ জল সম্পদের মধ্যে সংযোজন, জল ব্যবহারের দক্ষতা বৃদ্ধি, জলবায়ু পরিবর্তনের স্থিতি স্থাপকতা ও অভিযোজন, জলস্রবের কৃত্রিম বিচার্জ বা পুনরুজ্জীবন এবং সাংগঠনিক, প্রাতিষ্ঠানিক ও ব্যবস্থাপন দিক।

৩. বন্যা ও খরা ব্যবস্থাপনা।

৪. বিচার্জ বা পুনরুজ্জীবন বৃদ্ধি করা সহ ভূগর্ভস্থ জল সম্পদের দীর্ঘস্থায়ী উন্নয়ন ও ব্যবস্থাপনা।

৫. বৃষ্টির জলের সংগ্রহ ও মূল্যায়ন এবং জলবায়ুর স্থিতি স্থাপকতা ও অভিযোজন।

এই সহযোগিতার মধ্যে রয়েছে:

১. বিশেষজ্ঞদের আসা-যাওয়া ও বিভিন্ন কর্মকাণ্ড।

২. বিভিন্ন কর্মসূচি, প্রকাশনা ও অভিজ্ঞতার তথ্য এবং জল সম্পদের ক্ষেত্রে গবেষণার ফলাফলের আদানপ্রদান।

দুই দেশের আর্থ-সামাজিক বিষয়গুলো নিয়ে সহযোগিতা উন্নয়নের পদ্ধতিও এর মধ্যে রয়েছে। যেখানে রয়েছে, জল সংক্রান্ত ঘটনা ও প্রকল্পের বিশেষজ্ঞদের পারস্পরিক অংশ গ্রহণসূচিচিত করা। দুই দেশের হাইড্রলিক বেসিন এজেন্সির মধ্যে সহযোগিতা বৃদ্ধি।

এই মউ এর মাধ্যমে দুই পক্ষের সমান সদস্য নিয়ে একটি যৌথ কার্যকর গোষ্ঠী (জে.ডব্লিউ.জি.) গঠিত হবে। যারা এই মউ এর সমস্ত কাজকর্ম দেখাশোনা করবে। এই যৌথ কার্যকর গোষ্ঠীতাদের বার্ষিক বৈঠক পর্যায়ক্রমে ভারত ও মরক্কোতে করবে। তাছাড়া প্রয়োজনে যেকোনো সময় ফোন বা ভিডিও কনফারেন্সিং ব্যবহার করে আলোচনা করতে পারবে।

বৈজ্ঞানিক, প্রায়োগিক ও প্রযুক্তিগত দিকের এই সহযোগিতা দুই দেশের মধ্যে জল সম্পদ নিয়ে কাজ করা সরকারি ও বেসরকারি সংস্থার মধ্যে দ্বিপাক্ষিক সম্পর্ক গঠন ও উন্নয়নে উৎসাহ যোগাবে। সর্বাধুনিক প্রযুক্তি ও পদ্ধতি নিয়ে অভিজ্ঞতা ও বিশেষ জ্ঞানের আদান প্রদানের পাশাপাশি দুই দেশ তাদের দক্ষতার মানোন্নয়নও ঘটাতে পারবে।

জলসম্পদ, নদী উন্নয়ন ও গঙ্গা পুনরুজ্জীবন মতক বিভিন্ন দেশের সঙ্গে জল সম্পদের উন্নয়নের জন্য দ্বিপাক্ষিক সহযোগিতা বাড়িয়ে চলেছে। এক্ষেত্রে নীতি ও প্রযুক্তিগত জ্ঞানের আদানপ্রদান, প্রশিক্ষণের কোর্স করানো, কর্মশালার আয়োজন, বৈজ্ঞানিক ও প্রযুক্তিগত সম্মেলন, বিশেষজ্ঞদের যাতায়াত, শিক্ষামূলক ভ্রমণ ইত্যাদিতে জোর দেওয়া হয়েছে। ভারত-আফ্রিকার সহযোগিতার দিকে লক্ষ্য রেখেই মরক্কোর সঙ্গে জল সম্পদ নিয়ে অভিজ্ঞতা ও জ্ঞানের বিনিময়ের ক্ষেত্রে চুক্তি করার সিদ্ধান্ত নেওয়া হয়েছে।

(Release ID: 1505948) Visitor Counter : 2

Background release reference

জলসম্পদের ক্ষেত্রে সহযোগিতার জন্য ভারত ও মরক্কোর মধ্যে সমঝোতা স্মারক

